

## Útkomið í A-deild Stjórnartíðindanna 1959.

*Auglýsing um viðskiptasamkomulag Íslands og Póllands*, undirskrifuð af utanríkisráðherra 23. marz 1959, nr. 14.

*Auglýsing um afnám vegabréfsáritana milli Íslands og Austurríkis*, undirskrifuð af utanríkisráðherra sama dag, nr. 15.

*Auglýsing um framlengingu viðskiptasamnings Íslands og Spánar*, undirskrifuð af utanríkisráðherra 16. apríl 1959, nr. 16.

*Lög um breyting á lögum nr. 31 4. febr. 1952, um skipun prestakalla*, undirskrifuð af forsetanum 20. apríl 1959, nr. 17.

*Lög um vöruhappdrætti fyrir Samband islenskra berklasjúklinga*, undirskrifum af forsetanum 22. apríl 1959, nr. 18.

*Lög um sameign fjölbýlishúsa*, undirskrifuð af forsetanum 24. apríl 1959, nr. 19.

*Lög um heimild fyrir ríkisstjórnina til að selja jörðina Bjarnastaði í Unadal*, undirskrifuð af forsetanum sama dag, nr. 20.

*Lög um samþykkt á ríkisreikningnum fyrir árið 1956*, undirskrifuð af forsetanum 27. apríl 1959, nr. 21.

*Lög um veitingu ríkisborgararéttar*, undirskrifuð af forsetanum sama dag, nr. 22.

*Lög um sauðfjárbaðanir*, undirskrifuð af forsetanum sama dag, nr. 23.

*Lög um breyting á lögum nr. 42 13. nóv. 1903, um verzlunarskrár, firmu og prókúruumboð*, undirskrifuð af forsetanum 29. apríl 1959, nr. 24.

*Lög um breyting á lögum nr. 21 15. júní 1926, um veitingasölu, gistihúshald o. fl.*, undirskrifuð af forsetanum sama dag, nr. 25.

*Fjárlög fyrir árið 1959*, undirskrifuð af forsetanum 30. apríl 1959, nr. 26.

*Lög um breyting á lögum nr. 24 29. marz 1956, um almannatryggingar*, undirskrifuð af forsetanum 6. maí 1959, nr. 27.

*Lög um breyting á lögum nr. 24 29. marz 1956, um almannatryggingar*, undirskrifuð af forsetanum 30. apríl 1959, nr. 28.

*Lög um heimild fyrir sveitarstjórnir til þess að innheimta með álagi skatta og gjöld til sveitarsjóða, sem miðuð eru við fasteignamat*, undirskrifuð af forsetanum sama dag, nr. 29.

*Lög um breyting á lögum nr. 105 21. desember 1945, um þátttöku Íslands í stofnun gjaldeyrissjóðs og alþjóðabanka samkvæmt tillögum Bretton Woods fundarins og lántöku í því skyni*, undirskrifuð af forsetanum 9. maí 1959, nr. 30.

*Lög um breyting á lögum nr. 33 1929, um bæjarstjórn í Hafnarfirði*, undirskrifuð af forsetanum sama dag, nr. 31.

*Forsetabréf um þingrof og almennar kosningar til Alþingis 28. júní 1959*, undirskrifað af forsetanum 11. maí 1959, nr. 32.

*Forsetabréf um þinglausnir*, undirskrifað af forsetanum 14. maí 1959, nr. 33.

*Lög um heimild handa ríkisstjórninni til ráðstafana vegna aðildar Íslands að Gjaldeyrissamningi Evrópu*, undirskrifuð af forsetanum 9. maí 1959, nr. 34.

*Lög um viðauka við lög nr. 28 23. apríl 1946, um virkjun Sogsins*, undirskrifuð af forsetanum 23. maí 1959, nr. 35.

*Lög um breyting á lögum nr. 44 19. júní 1933, um stofnun happdrættis fyrir Ísland*, undirskrifuð af forsetanum sama dag, nr. 36.

*Lög um breyting á lögum nr. 102 19. júní 1933, um samþykktir um sýsluvegasjóði*, undirskrifuð af forsetanum sama dag, nr. 37.

*Lög um breyting á lögum nr. 68 5. júní 1947, um eftirlit með skipum, undirskrifuð af forsetanum sama dag, nr. 38.*

*Lög um itölu, undirskrifuð af forsetanum sama dag, nr. 39.*

*Lög um breyting á lögum nr. 46 14. apríl 1954, um tekjuskatt og eignarskatt, undirskrifuð af forsetanum sama dag, nr. 40.*

*Lög um byggingarsjóð Listasafns Íslands, undirskrifuð af forsetanum sama dag, nr. 41.*

*Lög um breyting á lögum nr. 33 29. maí 1958, um útflutningssjóð o. fl., undirskrifuð af forsetanum sama dag, nr. 42.*

*Lög um breyting á lögum nr. 29 23. apríl 1946, um hafnargerðir og lendingarbætur, undirskrifuð af forsetanum sama dag, nr. 43.*

*Fjáraukalög fyrir árið 1956, undirskrifuð af forsetanum sama dag, nr. 44.*

*Lög um afnotarétt húsnæðis fyrir félagsstarfssemi, undirskrifuð af forsetanum 26. maí 1959, nr. 45.*

*Auglýsing um samkomulag milli Íslands og sambandslýðveldisins Malaya um afnám vegabréfsáritana, undirskrifuð af utanríkisráðherra 29. apríl 1959, nr. 46.*

*Auglýsing um að samningur við Þýzkaland um mælibréf skipa frá 1895 sé úr gildi fallinn, undirskrifuð af utanríkisráðherra 26. maí 1959, nr. 47.*

*Auglýsing um viðskiptasamkomulag Íslands og Danmerkur, undirskrifuð af utanríkisráðherra 27. maí 1959, nr. 48.*

*Forsetabréf er stefnir Alþingi saman til aukafundar þriðjudaginn 21. júlí 1959, undirskrifað af forsetanum 9. júlí 1959, nr. 49.*

*Lög um eftirlit með skipum, undirskrifuð af forsetanum 31. júlí 1959, nr. 50.*

**62** **Bréf fjármálaráðuneytisins til tollstjórans í Reykjavík, um toll**  
 23. júní **á Plastic Cement og á gúmmibótum (patches) samkvæmt sýnishorni.**

Óskað er eftir úrskurði ráðuneytisins um tollun á (1) Plastic Cement og (2) gúmmibótum (Patches), en sýnishorn eru fyrir hendi af vörum þessum.

Um 1. Vara sú, sem hér um ræðir, er límkennnd og er það límhæfni vörunnar, sem öðru fremur einkennir eðli hennar og notkun, enda bendir heiti hennar að öðrum þræði til þess eiginleika hennar. Vöruna ber að telja til nr. 6a í 33. kafla tollskrár.

Um 2. Varan er sniðin til ákveðinnar notkunar og er meira unnin en ótilsniðnar plötur, sem teljast til nr. 4b í 39B kafla tollskrár. Vöruna ber að telja til nr. 20 í 39B kafla tollskrár.

Staðfesting forsetans á skipulagsskrá fyrir Minningarsjóð forustumanna K. N. Þ., 63  
Kópaskeri, útgefin á venjulegan hátt að mandatum af dómsmálaráðherra 20. maí 1959. 20. maí  
Skipulagsskráin er þannig:

## SKIPULAGSSKRÁ

fyrir Minningarsjóð forustumanna K. N. Þ., Kópaskeri.

### 1. gr.

Sjóðurinn heitir Minningarsjóður forustumanna K. N. Þ., Kópaskeri, það er þessar manna: Kaupfélagsstjórnanna Jóns Gauta Jónssonar og Björns Kristjánssonar og stjórnarformanna Þorsteins Þorsteinssonar og Pétur Siggeirssonar.

### 2. gr.

Sjóðurinn er myndaður af framlagi frá K. N. Þ. fyrst með innstæðu í Menn-  
ingarsjóði Björns Kristjánssonar kr. 26456.40, síðan viðbótartillagi kr. 75000.00,  
samtals kr. 101456.40.

### 3. gr.

Sjóðurinn ávaxtast í Innlánsdeild K. N. Þ. á Kópaskeri með vöxtum sambæri-  
legum við hæstu vexti í Landsbanka Íslands.

Tekjur sjóðsins eru vextir og aukin framlög ef til kæmu.

### 4. gr.

Tilgangur sjóðsins er fyrst og fremst að styrkja allt það, sem eykur félagslegan  
þroska innan héraðsins og það er til vakningar og menningar horfir. Einnig að  
veita starfsmönnum félagsins styrk til að sækja námskeið eða annað það, sem auka  
mætti hæfni þeirra í störfum.

### 5. gr.

Stofnfé sjóðsins má ekki skerða, en veita má úr sjóðnum  $\frac{3}{4}$  ársvaxta og þó  
vextir séu eigi notaðir árlega, má veita þær upphæðir síðar einnig allt að  $\frac{3}{4}$  hlutum.

### 6. gr.

Stjórn K. N. Þ. og framkvæmdastjóri hafa yfirumsjón með sjóðnum og veita úr  
honum styrki. Reikningar sjóðsins skulu endurskoðaðir árlega af endurskoðendum  
K. N. Þ.

Kópaskeri, 13. maí 1959.

B. Kristjánsson.

Pétur Siggeirsson.

Páll Þorleifsson.

64

4. júní

**S A M Þ Y K K T****um sveitarstjóra í Patrekshreppi, V.-Barðastrandarsýslu.****1. gr.**

Hreppsnefnd kýs sveitarstjóra eftir hverjar almennar hreppsnefndarkosningar, og er kjörtímabil hans hið sama og kjörtímabil hreppsnefndar.

**2. gr.**

Sveitarstjóri á sæti á fundum hreppsnefndar og hefur óbundið málfrelsi og tilögurétt, en atkvæðisrétt hefur hann því aðeins, að hann sé hreppsnefndarmaður.

**3. gr.**

Sveitarstjóri hefur á hendi framkvæmd ákvarðana þeirra, sem hreppsnefnd gerir og hreppsmála yfirleitt. Hann sér um að öll störf, sem nefndin á að annast um, séu tilhlýðilega unnin. Hann annast innheimtu á tekjum hreppssjóðs og fyrirtækja hans án sérstakrar þóknunar. Hann er féhirðir hreppsnefndar og reikningshaldari, semur allar skýrslur hennar og reikninga, annast bókun alla og bréfaviðskipti. Hann geymir bækur nefndarinnar, innstæðufé hreppsins, verðbréf og öll önnur skjöl og hvað annað, sem hreppnum tilheyrir og hreppsnefndin á að bera ábyrgð á.

Í forföllum sveitarstjóra skal oddviti annast störf hans.

**4. gr.**

Sveitarstjóri setur þá tryggingu, sem hreppsnefnd ákveður, fyrir innheimtum þeim, sem hann hefur á hendi, sbr. 3. gr.

**5. gr.**

Laun sveitarstjóra skulu ákveðin í ráðningarsamningi þeim, sem um getur í 6. gr. og greiðast þau úr sveitarsjóði.

**6. gr.**

Oddviti skal fyrir hönd hreppsnefndar gera ráðningarsamning við sveitarstjóra, eftir að ráðning hans hefur verið samþykkt af hreppsnefnd og skal þar nánar kveðið á um kjör hans, orlof, skrifstofutíma, lífeyri og annað það, sem rétt þykir að taka fram af því tilefni, enda skal ráðningarsamningur vera samþykktur af hreppsnefnd. Uppsagnarfrestur af hendi hvers aðila skal vera 6 mánuðir.

**7. gr.**

Nú verður sveitarstjóri sekur um stórfellda og ítrekaða vanrækslu eða hirðuleysi í starfi sínu og skeytir ekki áminningum hreppsnefndar, getur hún þá með fundarsamþykkt vikið honum frá störfum, en tilkynna skal félagsmálaráðuneytinu þegar frávikninguna. Oddviti tekur þá við starfi sveitarstjóra og gegnir því, unz sveitarstjóri hefur verið ráðinn að nýju.

Samþykkt þessi, sem hreppsnefnd Patrekshrepps hefur samið og samþykkt, samkv. lögum nr. 19 frá 1951, um sveitarstjóra, staðfestist hér með til að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 4. júní 1959.*

**Friðjón Skarphéðinsson.**

*Hjálmar Vilhjálmsson.*